

## 6 дугаар хороо

1928-2-8-наас хотын 9 хороог 6 хороо 133 хоринтой болгон тус бүрт дарга, жинхэн бичээч 1, туслах бичээч 2, галч 2, зарлагын орон тоотойгоор байгуулсан хороод нь захиргааны үндсэн байгууллагууд гэжээ.

1933 хотын хороодыг 6 болгон хуваасан.

1938-9-30-нд Сайд нарын Зөвлөлийн 31-р тогтоолын 3-р зүйлээр Улаанбаатар хотын хороо, хорины дүрмийг баталжээ.

1960-12-30-нд Ардын Их Хурлын Тэргүүлэгчдийн 258 дугаар зарлигаар БНМАУ-ын үндсэн хуулинд зааснаар сум хороодын АДХ-ын засаг захиргааны нэгж болсныг үндэслэн Улаанбаатар хотын хорьдыг татан буулгажээ.

1965-4-14-нд Ардын Их Хурлын Тэргүүлэгчдийн 79 дүгээр зарлигаар Нийслэл Улаанбаатар хотын Ардын Депутатуудын Хурлын харьяа Ажилчин, Найрамдал, Амгалан, Зүүнсэлбэ, Сүхбаатар, Хоршоолол, Чингэлтэй, Толгойт, Октябрь, Төмөр замын хороог татан буулгаж, Сүхбаатар, Октябрийн, Ажилчин, Найрамдлын районыг байгуулж Улаанбаатар хотын районы АДХ-ын сонгуулийг орон нутгийн хурлын 7 дахь удаагийн ээлжит сонгуультай хамтатган явуулахаар тогтоожээ.